

施愚山全集

第一函
五十五册

施愚山先生學餘詩集卷之三十四

七言律

谿館

幾日東風萬葉齊，獨尋孤館就雙谿。
藤花小落過松鼠，林雨初收嘯竹雞。
句曲水通茶竈外，敬亭山見石欄西。
殘編列架生涯足，餘興還鋤種藥畦。

湖田督刈

楓林寒雨一村孤，秋漲田低半在湖。
敝履短衣就麋鹿，三年八口寄荒蕪。
杭春野碓穿雲入，酒債鄰翁隔水沽。
忽見麻姑好山色，卜居長擬作潛夫。

都門懷古

長安旅食飽風塵，夜夜還家夢苦辛。
雪裏關山驅匹馬，病中梅柳度三春。
金臺勝蹟餘黃土，易水寒風起白蘋。
燕趙舊來多慷慨，悲歌屠狗定何人。

次淮上

夜泊孤帆津吏喧，高城明月浪中翻。
天浮吳楚連江甸，地擁魚鹽壓海門。
枚叔里前寒草綠，王孫臺畔暮雲昏。
蒼茫極目干戈後，叢桂蕭條不可論。

過桑乾

幾歲桑乾夜渡河金門持節又經過
烟寒碣石鴻飛少霜早燕山木落多
北望長安時駐馬南征荒徼正橫戈
可憐輦轂平蕪地細雨秋原散橐駝

諸城道中

東武諸山接太清
高秋氣爽復新晴
瑯琊臺遠陰霞散
馬耳峰孤落日明
樹帶寒花分野色
人穿層坂亂谿聲
褰帷此地堪乘興
轉繫江南故國情

使舟暫泊適舅氏諸親故晤別

欲歸不歸歸夢頻
愁見沙頭有故人
歲逼江淮帆帶雪
途經關塞髻生塵
天南銅柱遙懸淚
客裏梅花早報春
慚負渭陽情倍切
臨歧珍重病中身

潯江月夜

倚醉無憂行路難
江村燈火逐人看
從教津吏來譏客
最喜漁翁不識官
月上匡廬天際白
霜清城郭鏡中寒
琵琶絕調今流水
司馬青衫淚未乾

九曲亭置酒是蘇子瞻遊憩處

蘇有醉上西山尋野梅之句

玉局仙人杖策來
孤亭九曲萬山開
坐中雲漢低屏障
檻外湘江入酒杯
崖暖遊

蜂穿洞出沙崩猿狖涉谿回最憐古木摧殘盡西嶺何當問野梅

晴川樓至大別山絕頂

山下有鎖穴孫皓鑄錢處江處對江即黃鶴樓

桃花洞口花正開却月城邊對酒杯大別風高神禹廟漢川雲逐楚王臺江沈鍊鎖魚龍蝕鶴去仙樓鶴雀來絕調千年空悵望碧烟芳草暮天哀

二

漠漠晴川古木稀寒雲絕壁攬春暉水吞山郭蛟還鬪風起江城花自飛集浦帆如千樹密傍巖僧共片雲歸郎官湖畔猶堪醉細雨東來點客衣

湖南贈李聖一侍御

埋輪慷慨著平生攬轡重含此日情芳草可憐戎馬地空城真見虎狼行民疲轉餉還征戰吏困催科廢送迎滿目艱難堪痛哭何時抗疏達承明

望衡嶽

錢脚道人嘗夜半登祝融峯觀日出大叫曰雲海盪吾心曾

衡山絕頂祝融峰獨峙天南抗岱宗水國風雷虛岫出炎方冰雪半巖封斜陽稍辨烟中樹昨夜遙聞岳麓鐘好駐星軺看日出卧翻雲海盪心曾

衡南排山道中

雁峰南去亂雲間，荒嶠層岡到百蠻。
滿地龍蛇橫是路，一天草木暗無山。
行人出谷時相喚，棲鳥懸巢乍可攀。
更有前途危嶺在，莫將瘴霧換離顏。

熊羆嶺

祁陽

策馬層巖不可攀，蒼烟合沓萬重山。
林陰書入熊羆窟，石險宵懸虎豹關。
古廟戍樓深寂寞，寒松苦竹響潺湲。
人間回首虛無裏，惟有浮雲向北還。

宿永州高山寺

石磴嵯峨近百尋，層峰迢遞隱雙林。
香臺迥入楚天外，花雨遙飛粵海陰。
戰後山城官舍盡，春殘雲樹瘴烟深。
高僧應笑星軺客，借榻空懸出世心。

留別尹昭州奠階

昭江白石水濺濺，太守風流清且賢。
天繪樓前留夜月，龍門驛畔剩寒烟。
貪看好句添尊酒，苦念貧交損俸錢。
明日蒼梧悵分手，又乘孤棹下長川。

南海諸公招集五羊城上

嶺外荒城復此觴，園開荔子入盤香。
五羊舊蹟歸春草，萬頃危檣在夕陽。
客醉欲眠白苧舞，漁歌忽斷碧天長。
不知銅柱還無恙，橫海旌旗一戰場。

端州同沈止岳僉憲過朱子暇

地近七星巖

澀湖何似浣花溪有客狂歌獨杖藜烟水遠平天際綠星辰翻落掌中低牽舟入洞開新堰披草看碑續舊題中寫蕭然巖景暮荔枝亭畔鷓鴣啼

端江七星巖

又有巖名仙掌

尋山却喜掉扁舟夾岼青蒼入水流巖挂七星河漢逼洞寒三伏戶庭秋平湖菱芡花皆發絕嶂藤蘿霧未收興劇便須攜枕席卧看仙掌重淹留

沈止岳署齋留別

別後重來客病蘇驪歌此日重踟躕開罇荔浦晚移坐並馬星巖昨泛湖人去蒼梧雲影濶帆歸湘浦月明孤江阮琢石應分我莫學龍圖一研無

君轄端州許贈佳研

康州舟中

亂水潺湲夕照前青莎白石靜娟娟鷓鴣飛處月斜挂蟋蟀鳴時人獨眠炎塞山川窮兩粵病身風雨別三年近來鄉思翻搖落隨意蘆花送客船

初至歸宗寺同藥公作

寺後有玉簾泉金輪峯上置錢塢

帆落匡廬片石邊自攜藜杖入青天王簾不捲谷中雨鐵塢孤飛峯頂烟五嶽高

僧來挂錫半生多難愛逃禪來朝盡洗風塵眼飽看黃巖瀑布懸

歸宗寺用壁間韻

上方秋曉散清鐘木末憑陵千仞峯
蠡澤寒光沾翠壁寺門靈蹟起枯松
雲根細引山泉入香飯閒將石耳供何事
遠公飛錫去空庭蘿月影重重

開先寺

有寶墨亭昭明讀書臺
黃山谷書七佛偈其上

黃巖巖下叩禪扉老樹寒潭石徑微
寶墨亭臺留佛偈爐峰烟霧上僧衣
峽開青玉奔雷急崖暗蒼龍帶雨歸
誰拾枯松煮瀑布朝朝目送白雲飛

三疊泉

為廬山最勝處余欲從玉川門溯流開徑置
小亭其下使飛泉拂面留以告後之好事者

側疊雲峰路幾盤飛流曲注一天寒
風回冰雪聲相鬪峽險蛟龍窟未安
五老細垂蒼玉佩九屏濯出翠琅玕
尋源我欲開幽境枕石懸巖仰面看

彭蠡阻風二十日

北風一月聲淒淒彭蠡浪壓匡山低
客子無衣看落木愁人欹枕聽寒雞
眼前五老招不得夢裏雙溪去欲迷
滿地江湖無鳥道側身何處可攀躋

泊石鐘山

潭深徑仄斷人行落日何來鞦韆聲湖浪盡吞千籟入江潮初湧一山鳴崖前石
屋僧俱老洞口魚磯月漸明夜半客眠愁復醒一時驚起故鄉情

歲暮蕪湖尋陳伯璣不值

君去章江音信稀鳩茲深巷掩柴扉獨尋故里應垂淚久住它鄉不易歸憶母看
回南浦雁憑僧為煮北山薇懸知抱膝愁吟處五老峯前雨雪飛

次旌陽三谿

奔泉一帶瀉千峰雷雨聲中走白龍窈窕疎烟叢翠篠參差殘雪在孤松林閑絕
壁山樓出村繞寒谿水碓舂人事年年車馬急汀鷗沙鳥自從容

霞谿寺閣晚眺

山城木末晚蕭蕭草閣谿聲似聽潮午夜一編燈自照寒天百甕酒能消雲中白
屋分松徑雪裏青簑過板橋已分勞人憑逆旅可容生計老漁樵

過隱龍尋方位三帝卜諸子

隱龍地名

謝客登臨興不慵雪晴躡屐一相從最憐嶺上偏流水誰定人間是卧龍竹屋圖
書丹嶂曲柴門雞犬白雲重連牀信宿飛清夢知在黃山第幾峰

張二岳大屏山亭

郭外桃源路不賒茅亭藥圃自山家到門鳥語散叢竹把酒春晴坐落花乳水遠
融青嶂雪屏峰高擁赤城霞醉吟解道隨餘興歸騎何妨夕照斜

歙城連雨

春風冉冉客銷魂春雨冥冥白晝昏芳草經旬三徑滿梅花隔日幾枝存過橋雲
氣霑藜杖動地泉聲到石門待躡黃山最高頂手摩羣岫是兒孫

始入白岳宿桃花洞天

山有五
老峯

樹裏柴扉暮不扃仙臺燈火遠熒熒烟橫谷口虛堂白路入山腰古洞青竹葉翻
風喧夜雨桃花流水帶春星巔岼五老遙相待明日丹梯上杳冥

白岳香爐峯

突兀爐峰千仞立東西鐘鼓鬱相望蒼烟不斷碧天接真氣猶存瑤草香夜雨冥
冥見燈火晴雲裊裊濕衣裳石壇仙竈今何在絕壁孤巒思渺茫

飛雨巖

疎雨空濛何處飛紫霄巖畔春日微玉女洗頭綠冉冉仙人漱齒寒霏霏野鶴下

來閒刷羽松風吹灑細沾衣相如莫羨金莖露斟酌此中無是非

集河西太平寺

唐許宣平隱居披雲嶺李白有灘前流碎月之句

無數垂楊盡綠烟故人高會練江邊僧廬路入披雲嶺仙客詩留碎月篇往俗三春喧競渡何年兩岸歇歌船風光不改餘丘壑猶有啼鶯當筦絃

過交蘆館

是吳肇一大年兩君從先王父讀書處

二妙書堂尚可尋蘆洲竹嶼共陰森下帷不為窺園計隱几時聞流水音人去荒庭松桂合春來虛閣薜蘿侵當年講席留詩處滿壁苔痕自古今

集吳天行釣雪堂

主人別業開谿烟一樹雪毵巧當筵急莞繁絃催驟雨丹亭曲榭引流泉野雲風細來裊裊竹舸灘滑去娟娟醺酒留春春過眼落花滿地黃金錢

松蘿山題僧舍

有二松來自滇南又舊傳松蘿茶製自寺僧大方始

石林細路草茸茸古壁春陰雲氣重門外一峰如鷲嶺階前雙樹是滇松山君書出衝人過毛女時因采藥逢舊日種茶僧漸少上方亭午不聞鐘

走筆問梅季升

峽石主人歸未歸
家山雪後亂清暉
閒從鷗鷺來爭席
深入菰蒲不掩扉
小婦抱薪燒筍熟
鄰翁收網餉魚肥
因君遯跡知長策
回首雙溪舊釣磯

趙壁雲見訪息柯亭

山人高卧雞山頭
為我入城掉扁舟
落筆都成巖壑氣
立談已作逍遙遊
古藤葉暗竄蒼鼠
陰洞泉香來白鷗
不厭茶瓜銷永日
石牀湘簟可淹留

山陰送饒景玉歸歙兼訊諸舊游

別後花飛又一年
我來君去各風烟
看山到處添圖畫
垂橐何人乞酒錢
秋靜雲開橫浦寺
晚涼月照渡江船
共知萬事巖棲勝
誰傍蓮峰築數椽

宿吳山文昌閣

丹樓畫棟倚崔嵬
絕巘層峰遠檻開
雨氣直從天日至
潮聲遙過海門來
下方城郭蒼烟合
半夜雲霄絳節迴
一自當年飛鐵騎
暮禽春樹到今哀

千峯閣喜雨

秦望峰頭雲乍生
驚看急雨過孤城
巖雷遠帶江潮入
澗水橫連山井平
一夜園林蘇渴病
萬家簷笠慰春耕
檐前許爾雙蛟鬭
迸作空階瀑布鳴

山陰息柯亭

故朱相國別業

謝傳東山池館幽到門石檻繫蘭舟疎簾白畫松雲入叢桂清陰澗水秋覓徑鄰僧時接杖含情客子獨登樓憑誰解取柯亭竹暮雨瀟瀟長笛愁

晚集唐豫公

舊長洲令

雨後秋蘭繞座生銜杯花下復彈箏主人百斗能不醉小飲東方坐欲明手板舊諳彭澤嬾釣船新放鑑湖清君家書畫多無數乘興頻看莫送迎

嵎縣贈吳亮公明府

扁舟為愛剡中山谿畔相逢醉不還天姥當軒開窈窕石梁飛瀑近潺湲官貧畦菜尋常絕吏罷追呼日月閒安道琴樓今尚在使君清嘯一躋攀

題汪然明先輩湖船

船名不繫園

汪倫情興似君無每日花間倒玉壺座嘯春鶯留上客家移畫舫住西湖琴箏醉拂芙蓉亂簾閣時容水鳥俱肯借圖書同泛宅便應散髮飯雕菰

寄梅子先子翔二丈

壯歲何當把釣竿醉吟東渚就風湍谿中白石明堪數雲外青峰迴獨看羊栗叢

生園徑窄薜蘿長護洞門寒秋來積雨傷離索莫聽猿啼楓樹灘

梅所居有楓樹灘

寄新安汪文岫

荒園四壁草蟲吟念爾山堂落葉深老去壯懷猶倚劍愁來短髮不勝簪風流野寺分題日涕淚河橋悵別心獨坐昭亭望黃岳蓮花秋色遠蕭森

杪秋過顧與治庭梅偶開數花賦得檐字

青谿霽色近疎簾到爾園亭坐輒淹秋暮早梅開照眼霜前黃橘亂垂檐掩關避客幽人集就石移尊樂事兼夜久月明衣露白牀頭斗酒更呼添

雙溪觀橘袖

菊徑茅堂風颯然手栽橘柚獨娟娟香盈懷袖寧須折色老丹黃劇可憐嘉樹舊傳騷客頌霜林憶汎洞庭船郊園晚計行看汝好種千頭谿水邊

集顧見山水部高會堂

舊京人說顧長康吏隱江關水一方客滿高齋還置驛詩成曲水共傳觴晨光竹柏垂朱檻夜雨魚龍到草堂我亦為郎愁轉劇能禁清夢遠滄浪

九華山中寄顧池州澹叟

人因訪舊來秋浦天遣尋幽入九華迴合松杉清磬遠峻嶒宮觀白雲斜吞江西
嶺橫飛練射日東巖倒作霞遙憶使君驅五馬何時乘興問山家

齊山用杜牧之韻

天寒木葉出林飛暫息巾車就翠微小院殘僧煨芋熟清谿釣叟得魚歸霜枯巖
洞餘春草日落江城散夕暉康樂久虛山水興野雲何事戀征表

雨宿卧佛寺

力疾江干度雪峰老僧攜杖獨從容征衣半裏冰霜重濁酒空浮琥珀濃自厭客
心長少寐不勞清夜更鳴鐘關河荏苒王程在愁見天邊有夕峰

元日前雨夕次高郵懷李叔則

危檣斗酒不成醺綺席華燈兩地分隔浦數峯烟外沒過江一鶴月中聞閒居幾
歲尋芳草遠別逢春見暮雲那更滄洲懷李白淮南淮北雪紛紛

燈夕舟中大風雪

盡日回飈帶雪飛衝帆捲幔灑人衣橫舟颯颯喧江閣對面茫茫失釣磯令節尊
前滄海濶早春淮口雁鴻稀故園大樹銀花夜應憶天涯客未歸

河凍復登陸行

黃河昨日水初泮
淮口新年雪又深
流水凍來猶不去
斷蓬飄轉獨何心
風驅大漠浮烟滅
天閃寒光白日陰
却羨翩翩遊獵騎
杆弓逐兔出平林

送潘仙客同年使粵西

凍柳疎梅雪漲谿
使舟又入楚天西
洞庭過盡湘流碧
桂嶺回看衡岳低
石室玲瓏魑魅笑
江花窈窕鷓鴣啼
星軺舊憶經行處
一路淒清聽鼓鼙

懷唐田卿權關蕪湖兼屬訊陳伯璣

司農飛蓋去江津
惜別殘冬又早春
牛渚螺磯時騁望
眠鷗浴鷺坐相親
詩從湖海多清思
官近鄉關狎故人
旅食肯憐詞賦客
南州孺子豈長貧

青州魏使君同武別駕夜宴舊藩府

良夜清樽散旅愁
一時賓從盡風流
階前月到山光見
臺畔天垂海色秋
久客笙歌悲白紵
故宮烟樹遠朱樓
雲門忽憶登臨處
半醉題詩在上頭

送狄文止水部視學楚中

花發燕山送別時
武昌楊柳萬條垂
磯留黃鵠仙人閣
水遠青山夏禹祠
騷客舊

於歌郢曲楚天無恙足江離風流水部多能事遙計南征定有詩

同鄉諸子夜集吳聖水邸舍

怪爾作吏家長貧春衣典盡頻留賓雪鱸香芹南國饌酒徒詞客故鄉人敬亭薛荔若在手燕市酣歌還愴神一石濁醪髡未醉雞鳴日出尚逡巡

都下就黃鳴仙小飲

比舍相過夜不冠官閒祇作酒人看頻聞錦瑟歡悲換小酌宮箋醉醒寬此日蓬茅無埽徑異時書札問加餐金門避世吾徒在秋色重催白露漙

豫章劉小石見示登岱諸作

眼中突見豫章材拔劍徘徊天地哀登岱嘯歌寥日月向人懷抱走風雷薊門荏苒長為客碣石荒蕪未築臺還憶匡廬山色好含情相對一銜杯

慈仁寺松下同韓聖秋方子貽兩舍人

頻移杖屨為看松對酒重歡二妙逢樹下午陰寬四坐雲根秋靜殷疎鐘年深偃蓋來棲鶴風掣垂蘿走卧龍賈客莫教喧廟市坐吟留我得從容

廟市每集松下

吉鼓寺同李天中給諫

古寺陰陰五月涼
郊壇松色上衣裳
雲依初地從侵檻
雨過高城各盡觴
消渴茂陵甘寂寞
樓遲金馬敢清狂
飄蓬聚散同為客
何處人間是醉鄉

京邸病中送同寓張旭源南歸

客邊送客腸堪斷
况復西曹伏枕時
同舍幾人能問疾
索居從此倦論詩
心隨天際孤帆影
夢遶山中叢桂枝
謝朓北樓應好在
浮雲何處更相期

永中李山顏將南還有作

嬾向王門再鼓琴
焦桐誰復有知音
雕龍若箇歸金馬
野鶴何心戀上林
萬戶砧聲霜下急
一庭梧葉雨中深
蒼南蒼北無多路
貰酒同為越客吟

送范祖生司理南康

孟博孤標未易攀
雙旌南去就匡山
千尋瀑布虛無裏
九疊屏風杳靄間
遠郭漁樵行處見
傍湖鷗鷺趁人還
向來鹿洞藏書處
弭節披榛倘暫閒

再補比部

潦倒三年狎野鷗
重來西署復清秋
疎槐繫馬枝皆盡
老柏啼烏人自愁
舊友半違青瑣闥
浮名空占白雲樓
夜闌讀律仍惆悵
悔別雙溪蘆荻洲